

zyuntutatsya; akò khenitteitinyitæi, nyorzi zit ne-kunnut kò ttenut thligelchil tei nittsò zyunkotutuk-thut koh nittlutilya: Kekwadhut, nyit kahnduknut koh tinjkwidichi akò koh zyuntutukthut choog kwittshilikwæi, nittsò kwenjit kwiyendo tsut kookooli; tzet nunh kug nit thlitegwitli kikyikwanjik nyiwhon-ttlukwichili, akò nunh kug nukwitutattha kwi zit sheg kwundeì. *Amen.*

## 2 Cor. xiii.

**N**YIWHET Kekwadhut Jesus Kreist vit chekoorzi, akò Vittekwichanchyo chettigwinidhun, akò Chun-kyò Rsoitinyoo nichya, sheg nyiwhot tutthug tinya zyunkoli. *Amen.*

Tzut Khahtsut Trigichinchik Koochazi Nukwutudhut tutthug kàthog kenjit ndonyæi.

## VUHN TRIGICHINCHIK TEI.

¶ Chih Ninjkwudhut tei; Kriest vit kwilil ttrin, Epiphani, Matthias rsoitinyoo, Ninekwali ttrin, Gitritichodhut ttrin, Nekwazzi ttrin Takui, John Baptist Rsoitinyoo, James rsoitinyoo, Bartholomai rsoitinyoo, Matthew rsoitinyoo, Simon rsoitinyoo akò Joudas rsoitinyoo, Andrew rsoitinyoo, akò Nekwazzi ttrin Ttenut tritili tei, Vuhn Trigichinchik tei etrititelya kò akòtiti-tetinja, Chilehnut Kwikinjikwizhit ti, chih Ketrookwahnduk Kreist ttsun nili nyiwhot kwikinjikwizhit, Athanasius rsoitinyoo Kwikinjikwizhit nikhun kwikit koovazi, Minister akò tinjihnut kirkhe, nugichilzi.

## QUICUNQUE VULT.

**C**HOOTYIN te vihsizi yinihdhun: ekwichichyo kwut-tutthug kwitshi kookooli Kwikinjikwizhit Nikyò kuttunahtya.

Chootyin te ei Kwikinjikwizhit thlò ha akò dhittsya kunahtya kkwa: nukweyinjiikwitizhit kettun sheg kenjit rseyetgititelya.